

## Pemandu ambulans Hospital Lipis korban tiga ekor lembu sempena Aidiladha

- Oleh HARIS FADILAH AHMAD
- 10 Julai 2023, 6:00 am



Sebahagian pemandu ambulans bergotong-royong melapah, menimbang dan membungkus daging korban untuk agihan kepada kakitangan di Hospital Lipis, Lipis baru-baru ini. – UTUSAN/HARIS FADILAH AHMAD

SERAMAI 23 pemandu ambulans Hospital Lipis menyumbangkan tiga ekor lembu untuk ibadah korban sempena Aidiladha tahun ini di Hospital Lipis, Bandar Kuala Lipis baru-baru ini.

Penyelaras majlis korban, Bakri Abu Bakar berkata, penyembelihan tiga ekor ternakan itu dilakukan di Kampung Seberang Jelai, Padang Tengku dan kemudiannya dibawa ke garaj kenderaan Hospital Lipis untuk dilapah secara bergotong-royong serta dibungkus daging bagi agihan kepada penerima.

“Daging korban ini diagihkan kepada seramai 587 orang kakitangan Hospital Lipis dan kami seramai 23 orang pemandu ambulans bersyukur kerana dapat menunaikan ibadah korban tahun ini setelah sekian lama merancang serta berpakat mengumpulkan wang,” katanya di Hospital Lipis, Lipis baru-baru ini. – UTUSAN